

Te Ruu ni Kaotioti n Koroboki aika Tabu

Iroun Rebekah Jakeman
(E boboto i aon te karaki ae koaua)

E riki te karaki aei i USA.

"Ia botu." E wena Jonny i nano n te ruu ni katangaina.

E tarataraa tinaniku mwanena ae Jenna man ana winto. "Ai bon akea te bwai ae e na karaaoki," e taku.

E tararake Jonny n taraa te tiiring. Bukin tera e rang kabotu te Tabati?

I mwiina e reke ana iango. "Ma tera ngkana ti kaotinakoa baokin te Tabati?" E titiraki Jonny. Baokin te Tabati bon te bwaoki ae onoti ae kaonaki ni bwain takakaro ibukin te Tabati.

E moangare Jenna ao e a uti matana. "E a kaunga anne."

A kawaekoia Jonny ao Jenna nakon ana ruu tinaia. A kokooka te bwaoki ae bubura nakon te ruu ni katangaina.

"Tera ae ti na karaoia moa?" E titiraki Jonny. E kauka te bwaoki ao e kaotinakoi booki n tamnei tabeua ao kaati n takakaro.

"Tia takakaro n te ikatoatoa ni kakatoaia taan ninikoria man

"Ma tera ngkana ti kaotinakoa baokin te Tabati?"
E titiraki Jonny.



koroboki aika a tabu," e taku Jenna.

N te takakaro ao iai kaati ma tamneia burabeti man ana Boki Moomon i aoia. E kawenei ni kabaraaki kaati Jenna i aon te timanti. A ikaruoruo n anai kaati ao a kataia ni kakaai toaia ake a bootau ma ngaia.

E rairi kaati aika a kaokoro Jonny aika tamnein Kaaben Moronaai i aoia. "E a reke toana!" e takarua.

"Ngai naba!" E katei uoua kaati Jenna ni kaota tamnein Sariah.

A kaoka riki aia takakaro tabeua riki te raau Jonny ao Jenna. E kaunga ngkana a iangoi karaki aika a tangiria man ana Boki Moomon.

I mwiin tabeua te tai ao e a taku Jenna, "Tia karaoa ngkanne te bwai riki teuana."

"NGAIA. Tia karaoa teuana ara kaotioti man karakin koroboki aika a tabu ae ti tangiria. Tia karaoa te ruu ni kaotioti n koroboki aika tabu!" E waaki ni rikoi kaati Jonny.

"Eng!" E ibuobuoki n boboti bwai n takakaro ao a kararoi.

E kibe i nanon te bwaoki ni karokoa e kunei tabeua onea ni kaotioti. E kaotinakoa te kunnikai ae buraerae ni buraun ao e karinna. "Ngai Tamuera te I-Remwanaite!" E kibarake i aon te kaintekateka ao e riki n ai aron Tamuera, n reirei i aon oon te kaawa.

E kauka ana Boki Moomon Jenna ae taian tamnei. E raira baana ni karokoa e roko n te iteraniba are e mena iai Tamuera te I-Reimwanaite. E wareka te karaki ni kabaibati ngke e katea kaina Jonny.

A kataneiaia ataei ni karaoa nanon te karaki. E namakina te abuee ao e kukurei i nanona Jonny. E namakina ae tamaroa ngke e uringia burabeti ake a reirei taekan Iesu Kristo.

Ngke a namakinna bwa a tauraoi, e biri Jonny ao e weteia Tinaia, Tamaia, ao mwanena ae uarereke, ae Makenna. "Nakomai noora ara kaotioti!"

E tei Jenna nuukan te ruu ma baina aika tangaina. "Kam butimwaeaki nakon ara ruu ni kaotioti n koroboki aika tabu. N te bong aei ti na kaota rongorongon . . . Tamuera te I-Remwanaite!"

I mwiina e a moana te karaki. "N taai aika bwakanako, e roko

te burabeti ae arana Tamuera reireiniia Nibwaite . . ."

Ngke e a roko n ana itera Jonny, e tei ni kabwaabwakia i aon te kaintekateka. E taetae ma te bwana ae nene. "Ngai Tamuera, ao Tamara are i Karawa e tangiri ngkami bwa kam na karaoi rinerine aika raoiroi. Katoka karaoan bwaai aika buakaka. Ibukina bwa i nanon nimaau te ririki ao e na bungiaiki Iesu Kristo."

"E roko Mwaakan te Atua iroun Tamuera," e taku Jenna. E kabanea nikiran te karaki. Ngke e a bane, a uboubo Tinaia, Tamaia, ao Makenna.

"Moan te nakoroi!" E taku Tinana.

A bobaraaki Jonny ma Jenna. A uaia ni moangareia.

"Ti a karaoa te kaotioti riki teuana," e taku Jonny.

"Ti tangiria n noora riki teuana," e taku Tinaia. E uboubo Makenna ma te moangare.

A biri rikaiki Jenna ao Jonny nakon te bwaoki n Tabati n anai riki onea ni kaotioti.

"E kaunga te Tabati! I tangiria n reiakina taekan koroboki aika tabu," e taku Jenna.

"Ao Iesu." E moangare Jonny ngke e a manga kunea te onea teuana. Te Tabati bon te bong ae onoti! ●

KAWATAAN TE TAMNEI IROUN SHAWNA J. C. TENNEY



Ko kona ni wareka rongorongon Tamuera te Reimwanaite n Ereman 16:1-3.